



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք. Երևան, Շոպրոնի 77 հեռ. 010 51-29-53 էլ. hsaugt patrol-service@police.am

N 91/6851

< 28 09 > 2022թ.

Հրանտ Մանուկյանին
Հասցե՝ ք. Երևան, Շինարարների 15 շ. 33 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180113851 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<2>> թերթ:

Պետի տեղակալ,
ոստիկանության գնդապետ՝

Ա. Մաթևոսյան

Կատարող՝ Ս. Պետրոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 11.03.2022թ-ին կայացված 8180113851 որոշումն անփոփոխ թողնելու և բողոքն առանց բավարարման թողնելու մասին

« 28 » 04 2022թ.

ք.Երևան

ՀՀ ոստիկանության պարեկային ծառայության պետի տեղակալ, ոստիկանության գնդապետ Ա.Մաթևոսյանս, վերանայելով Հրանտ Մանուկյանի (Այսուհետ դիմող) դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

11.03.2022թ.-ին՝ ժամը 02:20-ին Երևան քաղաքի Դավթաշեն կամրջի տարածքում քաղաքացի Հրանտ Մանուկյանի վարած «Օպել» մակնիշի 37 NP 757 հաշվառման համարանիշի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 3-րդ գումարտակի 1-ին վաշտի ավագ պարեկ Դիանա Դազարյանի կողմից՝ ճանապարհի բաժանարար գոտին չնախատեսված վայրում հատելով հետադարձ կատարելու համար:

Վարորդի նկատմամբ կազմվել է վարչական իրավախախտման վարչական պատժադրություն և «Վարչական իրավախախտումների մասին» ՀՀ օրենսդրությամբ սահմանված 17-րդ մասի համաձայն՝ ճանապարհի բաժանարար գոտին չնախատեսված վայրում հատելով հետադարձ կատարելու համար:

ՅԱՆՈՒՄԻ քննարկման արդյունքում պարզվել է, որ վարչական իրավախախտման վերաբերյալ գործով 11.03.2022թ. կայացված թիվ 8180113851 որոշումը ենթակա է կատարման հետևյալ պատճառաբանությամբ:

«Վարչարարության երթևեկության անվտանգության ապահովման մասին» օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 11.03.2022թ. կայացված թիվ 8180113851 որոշումը ենթակա է կատարման հետևյալ պատճառաբանությամբ:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 17-րդ մասի համաձայն՝ ճանապարհի բաժանարար գոտին չնախատեսված վայրերում տրանսպորտային միջոցների վարորդների կողմից հատելը ձախ շրջադարձ կամ հետադարձ կատարելու եղանակով՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով:

<<Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածի համաձայն՝ բաժանարար գոտի է համարվում ճանապարհի հարակից երթևեկելի մասերը բաժանող, կառուցվածքորեն և (կամ) համապատասխան

գծանշումով առանձնացված տարր, որը նախատեսված չէ տրանսպորտային միջոցների և հետիոտների երթևեկության կամ կանգառի համար:

Պարեկային ծառայության Երևան քաղաքի գնդի 3-րդ գումարտակի 1-ին վաշտի ավագ պարեկ Դիաննա Ղազարյանի կողմից տրված պարզաբանման համաձայն՝ «Օպել» մակնիշի 37 NP 757 հաշվառման համարանիշի տրանսպորտային միջոցը Դավթաշենի կամրջի բաժանարար գոտին հատել է չնախատեսված վայրում և հետադարձ կատարելով անցել դեպի Եղվարդի խճուղի: Իրավախախտումը եղել է ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով՝ համադրելով գործում առկա ապացույցները գտնում եմ, որ դիմողի արարքում առկա են «Վարչական իրավախախտումների վերաբերյալ» ՀՀ օրենսգրքի 124-րդ հոդվածի 17-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 11.03.2022թ. կայացված թիվ 8180113851 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գնդ:

Պետի տեղակալ,
ոստիկանության գնդապետ՝



Ա.Մաթևոսյան